

Atanguyat Naitumik Uqauhiit

TMAC-kut (Havaaqarumayut TMAC-kuluniit) atulirumayut havaariyaagani Havaaq 2 Kapihiliktumi Havaaq (Havaaq) uvani taja uyaraktaqviki Doris North-mi Qitiqmiuni nunami Nunavumi qanituani 153 kilamitamik ugahikniqaqtuq hivuraata ualiqhiani Iqaluktuutiap. Havaaq ilaqaqtuq hananiganik, aulapkaqniganik, umiktiqniganiklu ukua Madrid North-mi, Madrid South-mi, Boston-milu uyaraktaqvikhat. Hanayauniga Havaap hivituniqaqniaquuqtuq talimanik ukiunik aulaqtiriaqlutik 2019-mi.

Nunavumi, Avatiliqiyit Hilaplu Aalaguqniganik Kanatami (ECCC) ilaayut Immaqmiq Atuqnigagut Laisiuyumik havaariyaunigani pipkaivlutik ayugitunit hivunihijutikhanik qauyimayamiknikluniit ukunuga Nunavumi Immaliqiyit Katimayinut (NWB) aturiaqaqnigani ilagani Nakatani 13, *Nunavumi Agiqatiriigutip*. ECCC-kut ilauhimayut tamaini havauhiuyuni Immaqmiq Aturiagani Laisiuyuq havaariyautilugut atuqtukhaq Havaami ublumimut pipkaivlutiklu uqauhiqmiknik hivuliqmik ihivriunigani iniqnigagut naunaiyautini, kiguanilu kiujutimiknik Havaaqarumayunut kiguanu iniqnigagut naunaiyautip. ECCC-kut tunihihimayut Naunaiyautini Uqauhiyunik Tunihijunmik ilauhimavlutiklu Naunaiyainikut Katimaniqmik May-mi 2018-mi. Havakviuyuqlu ihivriuqhihimayut Havaaqarumayup Naunainainiut Katimanigani Uqariiqtainik Kiujutinik tunihimayuq June-mi 2018-mi. ECCC-kut ilauhimaginaqtut uvuuna Kiguliqmik Titiraqhimayumi Tunihijutikut NWB-kunut ihumakhaqhiutikhaat.

Kiguliq Titiraqhimayut Tunihijut naitumik uqauhiqaqtuq qanuriliniginik ECCC-kut naunaiyainikut ihivriuqhijutainik iniqhimagitunik ihumagiyauyunik ilagiarutiniklu hivunihijutikhanik pipkagaayut Havaaqarumayumit kiguanu Naunaiyainikut Katimaviup. Uqauhiyut atuliquyauyulu pipkagaayut pijutiqaqtut ECCC-kut havaariyariaqaqtainit uqautauyunik uvani *Kanatamiut Avatauyumik Munarinigagut Maligaqyuami*, halumaiqtirigitaagani pivikhaqaqniginik uvani *Iqaluliqinikut Maligaqyuami*, uvanilu *Haviknik Piniqutikhaniklu Uyaraqtaqviit Atuaguuqniginut Maliruagakhani*.

ECCC-kut uqauhiit atuliquyailu pijutiqaqtut Immavaluknik Aktuqniginut Munarijutinik Upalugaiyaunmik, Ataguut Halumaniginik Aturiaqaqtunik, ihuaqhautiniklu amivijutiniklu immap iluani hanajutinik hunanikliqaa.